



Allakkap ullua: 13-03-2024
Suliap normua: 2024 - 5259
Akt. nr. 23963787

Postboks 1614
3900 Nuuk
Oqarasuaat (+299) 34 50 00
E-mail: nap@nanoq.gl
www.naalakkersuisut.gl

Inatsisartunut ilaasortaq
Kuno Fencker, Siumut
/Maani

Inuiattut ikinnerussuteqartut pillugit § 37 naapertorlugu apeqqummut nr. 54/2024-mut akissut

Asasara Kuno Fencker

Inatsisartut suleriaasianni § 37, imm. 1 naapertorlugu UKA2023/115-mi aalajangiinerannut tunngatillugu Naalakkersuisut Europarådip nunani ikinnerussuteqartunut isumaqatigiissutaat (FCNM) aamma Europamiut Oqaatsit Imaluunniit Ikinnerussuteqartunit Oqaaserineqartunut Pisinnaatitaaffiit Isumaqatigiissut (Oqaatsinut Isumaqatigiissut) naapertorlugit - Danmarkimi kalaallit ikinnerussuteqartut akuerineqarnissaat anguniarlugu, Danmarkimi naalagaaffiup oqartussaasuinut saaffiginninnermik aallartitsinissamik Naalakkersuisunut suliakkiutigineqartup sumut killinnera pillugu apeqquteqaateqarputit.

Apeqqutigisatit qujassutigiutugalugit Naalakkersuisut sinnerlugit akissuteqarfigissavakka. Apeqqutigisatit issuarneqareeraangata Naalakkersuisut akissutitaat kingorna saqqummertassapput:

Apeqqut 1. Danmarkimi naalagaaffiup oqartussaasuinut saaffiginninnissaminut Naalakkersuisut sumut killippat, pineqarlutik imm. UKA2023/115 aamma UPA2023/115?

Akissut: 2024-imi ukiap ingerlanerani kaammattuummik Naalagaaffimmi oqartussanut nassitsinissartik Naalakkersuisut naatsorsuutigaat.


Apeqqut 2. Soqutigisaqartunut kalaallinillu sullissisunut allanut Naalakkersuisut attaveqarsimanerpat, taakku ikinnerussuteqartut akuerineqarnissaminut qanoq inissisimanerat tusarniarlugu?

Akissut: Naalakkersuisut apeqqummut tunngatillugu soqutigisaqatigiiffinnut saaffiginninnikuunngillat inatsisissatummi siunnersuummut atatillugu Inatsiseqarnermut Ataatsimiititaliaq aappassaaneerinninnissamut isumaliutissiissummini (Ulloq 11. november 2023) allammat ikinnerussuteqartut akuerineqarnissaq naalagaaffimmi oqartussaasut susassaqarfigimmassuk taamatut misissuinerup naalagaaffimmi oqartussaasunit ingerlanneqarnissaa pissusissamisuussasoq ataatsimiititaliaq isumaqarpoq.

Apequt 3. Naalackersuisut qaqugu Inatsisartunut nalunaarusiamik saqqummiussinissartik naatsorsuutigaat?

Akissut: Killiffik pillugu qaqugu nalunaarusiortoqarsinnaanissaa Naalackersuisunit massakut oqaatigineqarsinnaanngilaq naalagaaffimmi oqartussanut kaammattuutip akissutitassaa apequtaasussaammat.

Inussiarnersumik inuulluaqqusillunga



Vivian Motzfeldt